

Asim Kamber

Zastupnik u Zastupničkom domu Parlamenta FBiH

Sarajevo, 22.04.2024. godine



Bosna i Hercegovina
Federacija Bosne i Hercegovine
Parlament Federacije Bosne i Hercegovine
Predstavnički dom

n/r Predsjedavajuća gđa. Mirjana Marinković – Lepić

Vlada FBiH

Federalno ministarstvo pravde
Federalno ministarstvo unutrašnjih poslova

USTAVNI SUD Federacije Bosne i Hercegovine

n/r predsjednik gđa. Aleksandra Martinović

PREDMET: Zastupnička inicijativa

Poštovani,

Na osnovu člana 11. Poslovnika o radu Predstavničkog doma Parlamenta FBiH („Sl. novine FBiH“ broj 69/07, 02/08 i 26/20) podnosim inicijativu Kolegiju Predstavničkog doma Parlamenta i Vladi Federacije Bosne i Hercegovine, Federalnom ministarstvu pravde, Federalnom ministarstvu unutrašnjih poslova i Ustavnom sudu F BiH za održavanje **Tematske sjednice Predstavničkog doma Parlamenta F BiH na temu: “Pogoršanje sigurnosne situacije u F BiH sa akcentom na kontinuirano kršenje ljudskih prava građana F BiH”**.

Obrazloženje:

Slijedom kontinuiranog kršenja prava i sloboda građana F BiH, posebno člana 2., stavova a, b, c, e i l, Ustava Federacije Bosne i Hercegovine („Sl. novine F BiH“, br. 1/1994, 1/1994 – Amandman I, 13/1997 – Amandmani II – XXIV, 13/1997 – Amandmani XXV i XXVI, 16/2002 – Amandmani XXVII – LIV, 22/2002 – Amandmani LVI – LXIII, 52/2002 – Amandmani LXIV – LXXXVII, 60/2002 – ispr. Amandmana LXXXI, 18/2003 – Amandman LXXXVIII, 63/2003 – Amandmani LXXXIX – XCIV, 9/2004 – Amandmani XCV – CII, 32/2007 – isp., 20/2004 – Amandmani CIII i CIV, 33/2004 – Amandman CV, 71/2005 – Amandmani CVI – CVIII, 72/2005 – Amandman CVI, 88/2008 – Amandman CIX, 79/2022 – Amandman CX – CXXX, 80/2022 – ispr. I 31/2023 – Amandman CXXXI), podnosim ovu inicijativu za hitnim postupanjem u smislu održavanja Tematske sjednice Predstavničkog doma Parlamenta F BiH. Pravo i pravičnost u BiH su poodavno postali misaoni pojmovi, posebno u smislu rada pravosudnih institucija u BiH. Upravljanje pravosudnim institucijama od strane političkih moćnika i stranih ambasada u procesuiranju građana F BiH su postali svakodnevnica. To uveliko doprinosi haotičnom stanju po pitanju sigurnosti i kršenja Ustava F BiH, posebno člana 2.

Kao konkretan dokaz ove moje tvrdnje želim istaknuti i osobni primjer mene i mojih stranačkih kolega Mirele Husić i Fazira Vukalića. Svo troje smo lišeni slobode 16.09.2020. godine pod izgovorom „osnovanosti sumnje u počinjenje krivičnog djela Izborna prevara iz člana 154. Krivičnog zakona BiH“.

Sud Bosne i Hercegovine nam je 18.09.2020. god. izrekao mjere zabrane.

Meni je tim mjerama naložena zabrana napuštanja boravišta i zabrana putovanja. A svotroma je bilo zabranjeno sastajanje i bilo kakav kontakt sa preko 600 svjedoka, od kojih većinu uopće ni poznavali nismo. I kao treća mjera, svo troma nam je bilo zabranjeno javno istupanje u medijima o činjenicama koje se odnose na ovaj predmet.

Mjere zabrane su trajale nepunih 11 mjeseci, a protiv nas je u tom periodu trajala nesnošljiva medijska haranga. Cijenimo da nam je nanešena nemjerljiva šteta istragom koja je trajala punih pet godina posebno mjerama koje su nam naložene od strane Suda BiH.

Predmetni tužioc Tužilaštva BiH u tužilaštvo nas je pozvao 27.09.2023. g., te nam saopćio kako nas „uopće u tom predmetu nema i kako mi nismo ni mogli počiniti to krivično djelo“ za koje smo bili sumnjičeni.

Moram ovdje istaknuti da smo tokom istrage, koristeći pravo iz čl. 50. stav 1. ZKP BiH dokazali montažu i glavne aktere montiranja ovog predmeta. Protiv svih smo nadležnim pravosudnim organima podnijeli prijave sa dokazima. Za sada nikakve ozbiljne reakcije po našoj prijavi nije bilo.

To je razlog zbog kojeg sam odlučio podnijeti inicijativu za održavanje Tematske sjednice na kojoj ću Parlamentu na uvid dati sve dokaze (tonske zapise, sms – poruke, razgovore, te dogovore oko novca za „potkivanje“ istrage i lažnog svjedočenja).

Nadam se da će ova moja inicijativa biti ozbiljno shvaćena i da ćemo svi zajedno kroz ozbiljnu raspravu dati doprinos neovisnom radu pravosuđa.

U nadi brzog odgovora i organizovanja Tematske sjednice na temu kako je to opisano u samoj inicijativi, tražim od nadležnog Ministarstva pravde FBiH da nam dostavi cjelovit izvještaj o radu pravosuđa. Iskreno se nadam da ćemo ovakvom jednom sjednicom utjecati na poboljšanje cjelokupne sigurnosne situacije u FBiH, ali i na vraćanje povjerenja u institucije BiH.

Podnosioc inicijative
Asim Kamber, zastupnik